
ФАРҒОНАЛИК ЁШЛАРГА “ЭЛ-ЮРТ УМИДИ” ЖАМҒАРМАСИНИНГ ОЧИҚ СТИПЕНДИЯ ТАНЛОВЛАРИ ҲАҚИДА МАЪЛУМОТ БЕРИЛДИ

Бугун Фарғона шаҳридаги вилоят Тадбиркорлар уйида Давлат хизматини ривожлантириш агентлиги вилоят филиали ҳамда “Эл-юрт умиди” жамғармаси ҳамкорлигида амалий-услубий семинар ташкил этилди. Видеоконференцалоқа шаклида ўтган тадбирда шаҳар-туманлар студияларидан тегишли масъул раҳбарлар, олий ўқув юртлари ўқитувчи ва талабалари, ўқувчилар қатнашди.

Мутахассислар “Эл-юрт умиди” жамғармасининг хорижий давлатларда бакалаврият, магистратура ва докторантура дастурлари асосида таълим олиш учун 2022 йилги 2-стипендия танлови тўғрисида тақдимот қилишди.

Тақдимотда “Эл-юрт умиди” жамғармаси фаолиятининг асосий норматив-ҳуқуқий ҳужжатлари, танловларни ўтказиш механизми, суҳбат ўтказиш йўналишлари ва унинг натижаларини баҳолаш мезонлари, номзодлардан талаб этиладиган ҳужжатлар, стипендиатларга бериладиган имкониятлар ҳақида батафсил тушунтирилди.

Семинар давомида иштирокчиларни қизиқтирган саволларга жавоблар қайтарилди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-04-26 13:15:58